



Universitätsbibliothek Paderborn

**De Vita Et Morib. Ignatii Loiolæ, Qvi Societatem Iesv
Fvndavit, Libri III**

Maffei, Giovanni Pietro

Dvaci, 1585

Jgnatio Roma[m] appropinquanti Christus apparet: & vnde Societati Iesv
nomen inditu[m] fuerit. Cap. V.

urn:nbn:de:hbz:466:1-44004

benevolentia populi Vicetini erga peregrinos appa-
ruit, vt qua nuper in vrbe, tribus dūtaxat, cibarij pa-
nis, ac fere mucidi, quotidiana vix circuitione colli-
gebatur quod satis esset ad vitam ægerrime tolerā-
dam; in eadem, ipsis iam vndecim, ex voluntarijs ci-
uium eleemosynis omnia ad victū cultumq. necessa-
ria large ac benigne suppeterent. Ibidem igitur pri-
mas diuinæ maiestati hostias immolauere noui sa-
cerdotes, vno Ignatio excepto, quippe qui ad se cō-
parandum amplius adhuc tēporis sibi sumpserat, &
Romę postea sacrificandi fecit initiu ad ipsum Pre-
sepe & incunabula Christi Domini, quę in æde sa-
cratissima beatæ MARIAE ad Niues religiose colun-
tur.

*Ignatio Romam appropinquanti Christus
apparet: & unde Societati IESV no-
men inditū fuerit. C A P. V.*

ET quoniam expeditioni transmarinæ pre-
finitum anni spatum erat in exitu; & infe-
stum adhuc classibus mare; quid proinde
agendum esset, Patres inter sé deliberant:
nec dubium fuit, quin, vti Lutetiæ vouerant, cuncti
sese ad fidei catholicæ propagationem, & animarū
auxilium, Sedis Apostolicæ cultui, & Romani Pon-
tificis obsequio manciparēt. Cuius officij procura-
tio (quoniā satis id esse videbatur) Ignatio, & duo-
bus primarijs patribus Fabro & Laini mandata est;
Romam adirēt, & (quod bene verteret) Christi Vi-
cario hęc sociorū studia ac vota quāprimum expo-
nerēt. Interea reliqui, ne cōceptus ē diuturna medi-
tatione & sacrificijs feruor ac spiritus euansceret,
nō modo se iphi diligētissime custodire, sed etiā prę-
fidij

fidiij diuini fiducia proximis omni ratione opitulari decernunt. ac præcipuis vrbibus inter se descriptis, præsertim in quibus litterarū studia florere, & frequatissimā iuuentutem versari cognouerant; Codurius Hoziusq. Patauiū, Rodericus & Iaius Ferrariam, Xauerius & Bobadilla Bononiā, Paschafius & Salmeron Senas profecti; eadē ferme ratione quam paulo ante Vicetiæ adhibitam diximus, & priuatim & publice cū hominibus agere, eosque è letali flagitorū veterno excitare, atq. ad contemptum rerum mortaliū, & cogitationem futuri saceruli omni conatū atq. artificio impellere atq. adhortari cœperunt. Cūq. ipsa nouitate rei omniū in se oculos atq. ora vertissent, paucis mēsibus, Deo aspirante, nō modo id effecere quod maxime optabāt, vt magni animorum motus, & insignes ad Christum conuersiones existerent; sed etiā quod minime laborabāt, vt ipso- rum nomē ac fama Italiam fere totam ingenti cum admiruratione peruaderet. At Ignatius Roman duobus quos dixi comitibus recta cōtendens, & ab eorum altero quotidie corpus Christi religiose casteq. suscipiens; MARIA virgine potissimū preside, atq. adiutrice, sese ad sacrum suo tēpore faciendum, ac multa pro Christi nomine subeunda, dies no- ctesq. simul intenta quadam animi cura, simul inæstimabili spiritus dulcedine, & noua diuini luminis copia preparabat. Etenim ex quo primum Hierosolymis rediens ad litterarū studia in Chrtisti gratiam animum adiecerat, de rerum cælestium contemplatione, vt diximus, non sine magna difficultate remiserat multū, seq. ipse Domini caritate, spirituali consolationi delicijsq. sponte subduxerat. Sed studiorū exacto curriculo, deinceps & Venetijs, & in

G iiiij Vicetino.

Vicetino secessu, & in hoc de quo dicebamus itinere, tam crebra diuinitus lumina, tam liquidas animi voluptates, eadem scilicet Virgine fauente percepit, ut in antiquum statum illum Minoressanum (quem postea ob singularem & eximiam illius temporis in se Dei benignitatem religioso ioco primituam suā Ecclesiam appellare consueverat) non solum ex integrō, sed etiam cum fœnore sibi restitutus esse videretur. Sed præter cetera, quæ quodd mortalem naturam exsuperant, verbis exsequi difficultimum est; quo die Romam accessit, res ei contigit vel ad memoriam posteritatis insignis, vel ad confirmandum in proposito Ignatium ceterosq. haud mediocriter efficax. Etenim orandi causa nō longe ab Urbe templo ingresso, qualia passim imposita militari viæ cernuntur, statimq. vt sœpe solebat, abstracto à sensibus, atq. alta quadam animi contemplatione defixo, clarissima in luce per speciem illi sese Deus Pater ostendit, I E S V Filio baiulanti crucem, & crudelissimis affecto supplicijs præsentem Ignatium, sociosq. commendans; quos ille cum in fidem ac patrocinium libentissime recepisset, ad Ignatium placido & sereno vultu cōuersus, hæc ipsa effari verba dignatus est: E G O V O B I S R O M Æ P R O P I T I V S E R O. Quo tanto tamq. diuino solatio mirum in modū erectus & confirmatus Ignatius, ac socios deinde compellans: Quid nobis, ait, Romæ futurum sit, fratres; in crucem ne, an in rotā agi nos velit Deus, ignoro, vnu scio, quidquid euenniat, I E S V M Christum nobis propitium fore. ac simul totius visionis ordinem exposuit. Quæ res nō in præsentia tantum illos insolita quādam lētitia & voluptate perfudit, sed etiam in posterum contra omnes

omnes difficultates atq. pericula magnopere corroborauit, ac muniuit: atque id ipsum vel in primis fuit causæ cur Ignatius confirmatæ postmodum Societati salutare potissimum I e s v nomen indiderit. quam tamen deinde verbo scriptoq. minimam vocare solitus est; quod reliquis religiosorum familijs (quas item societates I e s v licet optimo iure appellare) cunctis omnino tum de splendore, tum de antiquitate concederet.

Ignatius Romæ Christianæ rei dat operam: in Casinati monte animam Hozij celum intrantem videt. C A P . VI.

IGTVR tam secunda numinis voluntate, tamq. liberali promisso mirum in modum læti, sic tamen ut non sine mysterio Christum Dominū crucifixi maxime habitu apparuisse apud se reputarent, cum gratiarum actione ac prece sanctam Urbem ingressi, nihil antiquius habuere quam ut viatici nomine sibi numeratam anno priore pecuniam, quoniam quidem navigationis consilia in irritum cecidissent, prorsus ad nummum ijsdem à quibus acceperant, redderent; quæ, vt pote sacra, in alios pietatis usus & opera expenderetur. Deinde, quemadmodum ante conuerterat, suam & reliquorum operam Pontifici maximo in Apostolicis præcipue functionibus, citra honoris titulos, & dignitatis insignia, detulere. Neque aspernatus est pia Patrum studia Christi Vicarius: atq. in præsentia, donec eiusmodi aliqua sese offerret occasio, iussi Faber & Laines in almo Sapientiæ Gymnasio sacras litteras profiteri, quo munere dum alter